



Tusagassiorfinnut nalunaarut Pressemeddelelse

Ukiumi pisassiiffiusumi 2014-imi nunamut tamarmut nunallu immikkoortuinut qilalukkanik qaqortanik qernertanillu pisassiissutit

Ulloq 31. december 2012 Naalakkersuisuusimasut ukiumut pingasunut pilersaarut nu-taaq akuerivaat. Malitsigisaanillu Naalakkersuisunut ilaasortap Karl Lyberthip qilalukka-nik qaqortanik qernertanillu ukiumi pisassiiffiusumi 2014-imi januarip aallaqqaataaniit 31. decemberimut pisassiissutinik aalajangiivoq. Pisassiissutit aalajangerneqartarput nunat tamalaat akornanni isumaqatigiissutit, biologit siunnersuinerat, atuisut ilisimasaat kiisalu Piniarneq Pillugu Siunnersuisoqatigiinnik tusarniaasimaneq tunaartaralugit.

2014-imut pisassiissutit Kitaani ukiumut pisassiiffiusumut ataatsimut qaqortat 350-ussapput qernertallu 310-ussallutik. Ukiunut pingasunut pisassiissutinut pilersaarummi akuerineqartumi Tunumut pisassiissutit ukiumut qernertat 88-iussapput. Ukiunut pingasunut pilersaarutip pitsaaqutigaa CITES aamma EU-p ataanni nunanut allanut an-nertunerusumik eqqussuineramik annissuinermillu kinguneqannginnissaa pakkersimaar-neqarmat piniartunullu siumungaaq pilersaarusiorsinnaanermik periarfissiissalluni.

Pisassiissutit kalaallit/canadamiut qilalukkat qaqortat qernertallu illersorneqarnissaat aqutsivigineqarnissaallu pillugu Ataatsimiittartoqatigiivisa Joint Commission on Conser-vation and Management of Beluga and narwhal (JCNB) siunnersuinerat aamma atuisut ilisimasaasa ilanngunneqarnerisigut aalajangersarneqarput. Pisassatut aalajanger-neqartut qilalukkat qaqortat qernertallu amerliartornerata piffissami 2013-2015-imut in-gerlaannarsinnaanera 70 %-imik qularnaallisippaa.

Erseqqissaatigineqassaaq pisaasimasut 31. december 2013-ip kingorna inaarutaasumik naatsorsorneqartussaammata, tamatumalu kingunerisaanik allannguisoqarsinnaalluni.

Ulloq 23. december 2013 Aalisarnermut, Piniarnermut Nunalerinermullu Naalak-kersuisup 2014-mi pisassiissutit nunap immikkoortuinut agguataarneri, pisassiissartunik agguaassisartoqatigiinnit KANUKOKA-mit, KNAPK-mit APNN-millu peqataaffigi-neqartumit innersuussutigineqartut akuerai.

Piniarsinnaanermut piumasaqaatit (www.inatsisit.gl)

Qilalukkanik qaqortanik qernertanillu piniarneq ingerlanneqartussaavoq, takujuk:

- Qilalukkanik qaqortanik qernertanillu illersuineq piniarnerlu pillugit Nammin-ersorlutik Oqartussat nalunaarutaat nr. 7, 29. marts 2011-meersoq.
- Akuersissutit siusinnerusukkut tunniunneqarsimasut tamarmik 1. januar atorun-naassapput, 2014-imullu akuersissutit nutaat annertunerusumik piniarnermit tunngasunik paasissutissartallit atorneqalissapput.

27. december 2013
Sagsnr. 2013-085064
Dok. Nr. 1432953
Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

2014-imi pisassat imaapput.

Tabel 1: Kitaani qilalukkat qernertat aqutsiveqarfinnut agguaallugit

Aqutsiveqarfik	Pisassiissutit 2013	Pisat 2013 23. decemberimi [§]	Pisassiissutit 2014
Qaanaaq	85 – ukiuni tallimani teknikkikkut pisassiissutit* (+9)	83	85 – ukiuni tallimani teknikkikkut pisassiissutit*
Savissivik	18 (-1)	7	18
Upernavik	63	63	63
Uummannaq	85 (+5)	72	85
Qeqertarsuaq	20 (+5)	25	20
Ilulissat	2 (+5)	2	2
Qasigiannugit	4 (+5)	1	4
Aasiaat	21 (+5)	19	21
Kangaatsiaq	6 (+5)	2	6
Sisimiut	2 (+2)	0	2
Maniitsoq	2 (+1)	0	2
Nuuk	2 (+1)	1	2
Paamiut			
Narsaq			
Qaqortoq			
Nanortalik			
Kitaa tamakkerlugit	310 (+42)	275	310

* Qaanaaq ukiuni 5-imi tekniskimik pisassinneqarpoq qilalukkanik qernertanik 425-nik, 2014-miit 2018-mut, tamaanga qilalukkat takkuttartut amerlassusiat allanngorartorujussusarmat.

[§] Tamanna APNN-ip 23. december 2013 immikkut nalunaarutitut tiguisimasaanik tunngaveqarpoq.

Tabel 2: Tunumi qilalukkat qernertat aqutsiveqarfinnut agguaallugit

Aqutsiveqarfik	Pisassiissutit 2013	Pisat 2013 23. decemberimi [§]	Pisassiissutit 2014
Ittoqqortoormiit	70 (+18)	47	70
Ammassalik	18 (+19)	18	18
Tunumi tamakkerlugit	88 (+37)	65	88

[§] Tamanna APNN-ip 23. december 2013 immikkut nalunaarutitut tiguisimasaanik tunngaveqarpoq.

Tabel 3: Qilalukkat Qaqortat Kitaani aqutsiveqarfinnut agguallugit

Aqutsiveqarfik	Pisassiissutit 2013	Pisat 2013 23. decemberimi [§]	Pisassiissutit 2014
Qaanaaq	20 – ukiuni tallimani teknikkikkut pisassiissutit* (+33)	26	20 – ukiuni tallimani teknikkikkut pisassiissutit*
Savissivik	#		#
Upernavik	131 (+15)	166	131
Uummannaq	21 (+5)	18	21
Qeqertarsuaq	26 (+5)	12	26
Ilulissat	53 (+15)	15	53
Qasigiannugit	7 (+5)	0	7
Aasiaat	17 (+5)	10	17
Kangaatsiaq	28 (+5)	8	28
Sisimiut	30 (+22)	25	30
Maniitsoq	12 (+10)	14	12
Nuuk	5 (+5)	0	5
Paamiut			
Narsaq			
Qaqortoq			
Nanortalik			
Katillugit	350 (+125)	294	350

* Qaanaaq ukiuni 5-imi teknikkikkut qilalukkanik qaqortanik, 2014-miit 2018-mut 100-nik pisassinneqarpoq tamaanga qilalukkat takkuttartut amerlassusiat allanngorartorujussuusarmat.

Qaanaap aqutsiveqarfiani qaqortartassiissutinut ilaavoq.

§ Tamanna APNN-ip 23. december 2013 immikkut immersorlugit nalunaarfissanik tigusimasaanik tunngaveqarpoq.

Pisassiissutinit sinneruttunit nuussinerit agguasseqqinnerillu

Pisassat sinneruttut 2013-imeersut 2014-imut nuunneqarsinnaapput. Pisassiissutinit sinneruttunit nuutassat eqqoqqissaarnissaat qulakkeerniarlugu Aalisarnermut, Piniarnermut Nunalerinermullu Naalackersuisoqarfimmit (APNN) pisassiissutit sinneruttut amerlassusaat kommuninut attuumassuteqartunut 1. februar 2014-imi ilisimatitsissutigineqassapput, tamatuma kingorna kommunebestyrelsi pisassiissutinit sinneruttunik agguassillunilu tunniussisinnalissaaq.

Kommunalbestyrelsi 2014-imi pisassiissutit sinnerinik agguassinissamini sunngiffimmi piniartartunut inuussutissarsiutigalugulu piniartunut pisassiinissamini procentip (%) assinga atussavaa. Takuuk Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 7, 29. marts 2011-meersumi § 11 imm. 2 malillugu sunngiffimmi piniartartut aqutsiviup qilalukkanik qaqortanik qernertanillu pisassiissutaasa 0-10 % -iisa akornanni amerlassuseqartunik kommunalbestyrelsimit pisassinneqarsinnaapput.

Pisassiissutinit sinneruttunik agguasseqqinnermi piumasaqaataavoq piniarnermi pisat tamarmik kiseqqissaarneqartarnissaat, piniarnerup paggatassiissutigineqannginnissaa aammalu agguasseqqinnerit pillugit APNN qanimut ilisimartinneqartassasoq. Naalackersuisuni ilaasorta q kommunit akornanni pisarnertut agguasseqqittussaataavoq,

kommuunillu iluminni agguaassinerat kommuninit ataasiakkaannit nammineq isumagi-
neqartussaalluni.

Paasissutissat sukumiinerusut pillugit attavigiuk:

Allaffimmi pisortaq Amalie Jessen, tlf: 34 53 04, email: amalie@nanoq.gl